

廣成集卷之十五

卷三

新定廣成集卷之十五

皇帝本命醮詞

太上無極大道玄元老君五老上帝天地水  
三官天曹四司君北斗七星君高上玉皇玄  
卿大帝嶽瀆地府甲子衆神伏以二氣裁形  
五行構象稟大道生成之德荷元和亭育之  
恩至於命籙與表祿祚豐薄立身罪福行運  
吉凶上自天司旁資本命主張考校巨細無  
遺兼夙荷洪休仰承玄澤繼天立極應運撫  
時慈德教之未孚慮賞利之或失循懷增懼  
馭朽兢憂惟仗神功以康黎獻是用冥心宜  
室稽首靈壇冀道力以潛實佇靈真而幽贊  
俾五兵偃戢百教滋豐中外和寧生靈舒泰  
誓傾修奉用副玄慈不任虔祝之至謹詞

皇太子本命醮詞

伏以大道分先天元布化生成萬象孕育三  
才爰命真官以司籙籍五行休玉皆稟於神  
功三命興衰悉宗於靈府巨夙叨洪澤備位  
青宮侍膳問安惟勵恪恭之懇資忠弘孝難

酬君父之恩敢於元命之辰虔備醮祈之禮  
所願祛災悔過介福延休增萬壽於聖躬永  
安大業降千祥於寶運長奉昌期仰罄丹誠  
敢希玄祐不任歸命之至

崔隱侍郎玄象九宮醮詞

伏聞上玄垂象則七政循環下土推機則九  
宮飛化因其履歷以示吉凶由是三命五行  
有災祥之應陽奇陰偶有善惡之徵巨今年  
九宮飛旋天符臨於中位五星行度火曜對  
於命官行年當地網之鄉大運與小運衝破  
因成疾厄未獲痊平敢緣大道慈救之門遵  
太上醮祈之旨披心靈觀題注虛壇普玄象  
以告虔過靈真而悔謝伏冀南宮六聖開長  
生致福之文北斗七元賜輟死降祥之力增  
延祿算消解災凶示遐永之期迴短促之紀  
使百關舒泰六氣均調釋往債前寬赦深瓊  
重過九玄介福舉族安貞克勤修勵之心上  
副尊靈之祐不任

醮蘭州石壁玄元觀石文老君詞

伏以造化靈都神仙奧壤秀換空際翠諫江

千煙雷峯前聖祖之宸儀迎出松蘿林內王  
童之具相旁分非雕鎬藻繪之能運天地自  
然之妙所以潛派景既貽福蒸人常祛早潦  
之災幾叶休禎之應况今鑿礙漢渚路隔秦  
川祈玄祖之光靈極神孫之播越克清萬寓  
以秦羣生無俾沂水橋邊獨掃麗勛之靈霍  
山祠畔空摧劉武之鋒度俟玄威載昌鴻祚  
不任祝望希恩之至

醮蘭州天目山詞

伏以山鎮地心洞開天目含藏煙雨韞蓄風  
雷崖松仙經泉澄神沼觀署福唐之美邑標  
奉國之名憑此禱祈必符禎貺今則翠輿順  
動丹闕貽災度希幽贊之功共啓中興之運  
敷聖祖重玄之力更炫重瞳揚宣尼四教之  
宗克明四目無使壽春山上猶傳助戰之威  
濟順祠前獨美迎鑿之事克弘道化以廣真  
風不任虔誠祝望之至

皇后修三元大醮詞

伏聞道化裁成神功亭育氣分二象垂包容  
覆載之私節啓三元定罪福賞刑之柄所以

北都泉曲常為銓赦之期南極文昌奉修起昇之澤至於人倫之內善惡吉凶度曆升誠即承鴻慶周其叨榮宿福運復昌期備位彤宮輔宰皇極每懸源德同答殊休慈性世積生疵瑕未蕩五行三命厄會或臨火星將又於身官天符又居於生日懼成災各志切誠祈屬中元大有之辰是車土希恩之節冥心靈觀播旨照壇歷具府以輪誠期迴筌祐通靈雷而露懇願釋尤違賜周其以完債和平罪瑕除滌災凶消解年祿延長疾急無侵福祥臻萃九玄七祖證品仙庭眷屬緣臻崇聖日上願宗桃安鎮聖壽遐延禁禁青宮匡扶大業維城盤石保久洪基羣僚畢契於忠貞萬寓咸歸於撫御式虔丘禱洪望玄慈不任歸命瞻天望聖之至

趙球司徒疾病修照拜章詞

伏聞妙應無方道推濟物玄慈廣運惠普奉生開析真悔罪之門垂拯厄希恩之品功成不宰澤布無涯敢緣覆育之仁輒罄歸依之懇臣自惟福運榮奉昌期自參危術之班遂

陟煙霄之路功輕任重効寡恩深常切兢愛難酬寵擢近以災殃所迫疾瘳斯嬰軫聖慮以慰安降名醫而撫視未蒙痊減倍用兢惶伏念臣跡履塵寰素昧修業立身復行寧免愆違或害物傷生曾無惻憫或推鋒禦敵輕賜誅鋤總戎乖申今之宜為政有實刑之失幽夜致究仇之斯微躬成滯疾之尤又恐往世積生高業疊答五行九曜兼值災蒙或興修有犯觸之非或土木有仗傷之所捫心省過惟切懺祈是敢拜奏實章崇修大醮告虔下土謂命諸天伏惟大道垂慈至具鑒祐勅靈司而解災度厄流神既而祛疾延生落死錄於陰曹定仙名於陽簡故傷誤殺寬債和寧新罪宿瑕玄慈蕩滌普期勵節永答道恩臣某不任

張道衡塑造北斗七星具君照詞

臣粵自幼沖恭聞大道歸心斗極屬念玄虛每有啓祈克蒙慈祐感靈休而罔極報鴻澤而無階今考卜吉辰以天德合直之日於玉局北帝之殿塑瑶樞中斗之尊兼以輔星列

于八位狀虹蜺之彩服寫龍鶴之神姿列於大帝之前儼若中天之會輒備聞告爰命興功伏惟七聖降臨眾靈昭祐永垂響應長介福祥俾奉心有禱祝之門品彙得依歸之路永虔香火以答至真不任稽首歸命之至

杜元繼常侍照火星詞

伏聞陽靈表瑞火德永天分日域以繼明御離方而定位爰因夏曆以正歲功由是出入絳霄循環黃道應期不紊請見無私雖懸象著明繁諸邦國而垂災介福亦及纖微臣叨荷玄休蹈茲昌運立身潔已未階無過之場元命遊年實配五行之內竊披術曆方有照臨恐攝災蒙伏增憂懼是敢精陳禮物虔備香燈上祝靈華仰希昭祐伏冀顯消災答潛釋過尤錫以福祥賜其貞吉永勤丹懇上答玄慈不任

王宗壽常侍丈人山照詞

天地分靈三官定死生之格陰陽懸象九曜垂照燭之功北府繩連南宮延壽星躔燦演考校無私凡在人寰皆歸統御臣自惟微薄

獲奉玄慈而覆行之間恐乘陰陽運心之內  
未合神明日過災凶復兼愆咎或成厄會其  
遂憾祈今年中官則天符所臨身位乃土星  
對照大運猶居於劫殺飛旗又寄於行年三  
命五行恐違刑尅列星五緯更慮照臨所以

賊軻未寧災厄頻作非憑至聖無路截折度  
盤丹誠克申大照伏惟上言眾聖俯降福祥  
銷災咎於將來釋過尤於既往六曹司命增  
祿算於丹天七紀尊神介休積於玄極公私  
清泰家春安寧即永荷東聖弘濟之恩不任

鮮楚臣奉命九曜照詞

伏聞三光表瑞九曜耀輝配念未以司方四  
時攸叙定陰陽而主象萬彙生成主宰幽明  
統臨罪福且自惟凡陋獲奉其靈權履行之  
間易成愆咎修持之道未契端真況職務所  
司重輕威繫恐乘省慎更結罪尤雖夙夜在  
公敢忘格勵而言凶難測倍切兢憂兼以宿  
曜所臨敬罄懺祈之懇爰憑太命恭啓照臨  
陳信帝以貢誠列香燈而展禮伏冀希夷至  
聖俯鑒丹心辰曜高尊曲流景貺教罪尤於

既往解厄運於未然究債銷平凶衰除蕩更  
增祿算永賜福祥眷屬又安公私清泰普勤  
修奉以答靈恩不任

東修甲子照詞

伏以大機既分元精獨運陰陽肇化支干承  
基六十正神統四時而司晝夜八百符吏行  
凶吉而定死生大則天地邦家咸遵曆象小  
則災祥罪福必繫主張考龍胎石室之經披  
鳳篆琅函之要既明宗旨倍切依歸臣等仰  
賴神功獲逢道運塵機久閉俗網未祛行藏  
不合於儒玄動息必貽於過咎又恐五行之  
內或有刑妨三命之中因逢否塞非憑至道  
難離深瑕輒因六甲之辰五元之首同誠勵  
志溼懇祈恩仰碧落以降具拂玄壇而展禮  
伏冀洪休允洽昭鑒無私咸賜吉祥永銷災  
厄有官增祿丹簡延生存歿俱安公私並泰  
克勤精奉永答靈慈不任

東修奉命照詞

臣等宿植福緣獲逢道化至真垂教玄旨宣  
行仰承覆祐之恩常切兢管之懇但慮行乖

禮儀動履愆瑕處俗順時率成罪目積生今  
世罕有懺祈伏聞三天垂章照之科正一著  
修禳之格敢因吉日同勵丹誠恭詣壇場虔  
申祝謝伏惟三官九府五帝高尊斗極具君  
命辰靈將錄其素悲降以鴻慈赦已往之過  
尤釋將來之災厄星曜照臨之數行年除  
妨尅之凶年祿增延福祥繁會公私貞吉族  
屬康寧常期祐護之恩永普焚修之志不任

庚申照詞

臣以仰披真訣虔按玄經庚申為修奉之辰  
大帝降考離之簡是曰三尸陰魄標奏罪名  
巨細無遺纖微必紀始定籍於太玄之府終  
寓書於泉曲之庭凡在修心實切憂戒冀因  
今序同懺深瑕輒備香羞恭申謝伏惟三  
尊憫護大帝鑒臨斥陰尸妄奏之文降大道  
好生之澤使臣等災銷過滅善積福臻九玄  
離寒夜之鄉五族獲安寧之祐所為貞吉立  
願亨通常傾修勵之心上答正真之既不任

南斗北斗照詞

伏聞大象既分三靈設位各稟自然之道俱



垂不宰之功無為則天地長存有用則表榮  
易變吉凶悔吝由此而成於是南極升篇生  
名所繫北都黑簡死錄所歸二宮之考校無  
私萬兆之死生攸屬臣夙資善覓獲獲昌時  
沐浴皇風稟承玄化但慮運心動念乘越五

常累過積非彰明二簡五行三命陰陽有刑  
尅之期暗曜列星遲速有照臨之數未伸析  
憊因結災凶敢以吉辰虔修醮禮虛壇夜靜  
靈化秉清玄念必通真靈可降伏奠丹臺六  
聖司命開延永之符玄極七真大帝除促齡  
之日憂危自秦年祿更增幽明同洽於殊恩  
眷屬咸均於巨福公私貞吉老少又康即永  
荷二宮眾聖同極之恩不任

龍輿觀御容院醮土地詞

伏以瑤闕琳宮星房羽殿森列三清之上宏  
開八景之中萬彙之所朝宗羣真之所遊息  
於是裁模世域垂象人家周穆西歸擬層臺  
而結宇漢皇南矚遵太一以瓊基由是仙觀  
靈墟駢羅海嶽風簷霞棟煥麗煙林為真聖  
之所棲亦福祥之所萃頃以龍輿觀肇基隋

運歷載唐年日月既深凋摧云久是用鼎新  
營構特懋功庸况越歲時深虞挽觸爰伸醮  
酌安復龍神所期國泰民和時康俗阜克隆  
鴻祚永錫玄休不任虔祝之至

中和秦中化龍池醮詞

粵若三氣是分五靈惟龍司造化之機運降  
升之妙寄神功於乾象孕玄德於坎宮昔我  
祖明皇巡功蜀甸果聞飛躍寔効禎祥爰俾  
瀆池用資安處今則年光遞易堤址荒殘草  
積波痕砂封泉脉應靈未爽盼鸞猶傳每垂  
霖雨之恩以濟蒼夫之望眷言故實深用軫  
懷朕寡德承國撫時有寇省方巡俗尚駐坤  
郊龍其中彼電威震其風今掃渠光於北陸  
清氛霧於中原克洽理平永臻多福不任

皇太子為皇帝生日醮詞

臣聞玄穹廣覆無勞仰祝之辭碧海周涵亦  
納消漆之露敢緣斯旨輒罄明誠某月日是  
皇帝生日日本命甲戌之辰錫秘記於先天豫  
昭露既傍珍符於厚地潛契明文卜年開萬  
葉之榮推策彰百神之助爰申大醮虔俟鴻

休集三元萬聖之祥永北極南山之壽昭明  
丹懇恭望玄恩巨某不任稽首虔祈激切之  
至

川主大王為鶴降醮彭女觀詞

伏以道化無方真仙有應於恍惚希微之內  
示玄黃變化之容下盼塵寰以度羣品考諸  
事跡載彼經圖所以丁令歸時曾窺丹頂蘇  
耽降日亦顯霜翎流萬古之美譚標當年之  
瑞牒今者忽聞靈鶴棲止雲峯乃玄元行化  
之山是彭祖昇天之所玄壇翳蒼久無焚薦  
之蹤林木陰森果致感通之事實聖朝之上  
瑞豈藩閭之所招願祈山壽鶴年以來龍圖  
鳳曆遐瞻煙囂伏切惟愉真憑羨燕之儀以  
違歸依之懇謹差賜紫大德上官知其兵馬  
使王承琛精誠香火告真靈不任歸命虔  
祝之至